



Universitätsbibliothek Paderborn

Triapostolatvs Septemtrionis

Caesar, Philipp

Coloniæ Agrippinæ, 1642

7. Qualiter præfati Serui Dei apud Danos quoslibet ad viam veritatis monerent, & quod Scholas ibi statuerint, ac peracto biennio Audbertus ad nouam Corbeiam deductus & defunctus sit.

urn:nbn:de:hbz:466:1-43650

& apud eum tunc familiaris, ac post ipsum domus eius procurator habebatur, talia velle. Aduocatum tamen eum super hoc interrogavit. Qui respondit, nequam posse pati, ut ille solus iret; sed pro Christi nomine se velle ei solatio & adiutorio fieri, si suam & fratrum haberet licentiam. Cui Dominus Abbas, se daturum licentiam, si ille sponte hanc profecitionem eligeret, respondit: nullum tamen eis ex familia comitem ad obsequium secundum depuraturum, nisi forte ipsi aliquem ad hoc prouocare possent, ut suâ sponte cum eis ire vellet. Hoc autem venerabilis Abbas non de inaffectione faciebat, sed quia abominabile eo tempore & iniustum videbatur, ut quis inuitus inter paganos conuersari coegeretur.

C A P V T VII.

Qualiter prefici Serui Dei apud Danos quoilibet ad viam veritatis monerent, & quod Scholas ibi statuerint, ac paracto biennio Audbertus ad nouam Corbeiam deductus & defunctus sit.

Posthac itaque ambo deducuntur ad Regem, quorum voluntati & desiderio ipse condelectatus, dedit eis ministeria Ecclesiastica, scrinia, atque tentoria, ceteraque subsidia, quæ tanto itineri videbantur necessaria, & cum praefato Heroldo ire præcepit: denuncians ut eius fidei maximam imperderent

derent sollicitudinem, eumque & suos, qui simul baptizati fuerant. pia exhortatione, ne ad pristinos reducerentur diabolo instigante errores, continuè roborarent; simulque etiam alios ad suscipiendam Christianam religionem, verbo prædicationis strenue commoverent. Diuissimis itaque ab Imperatore, nullum habuerunt socium, qui eis aliquid servitij impenderet, quoniam nemo ex familia Abbatis cum eis sua sponte ire, nec ille quemquam adhuc initium volebat cogere. Herioldus quoque cui commissi fuerant adhuc rudis & neophytus, ignorabat qualiter Serui Dei tractari debuissent: Sui quoque tunc nuper conuersi, & longè aliter educati, non multâ super eos curâ intendebant. Cum graui itaque difficultate hanc suscipientes peregrinationem peruererunt Coloniam. Ibi tunc temporis Venerandus Antistes Hadeboldus compatiens eorum necessitatibus, dedit eis nauem optimam, ubi sua reponerent, in qua erant duæ mansiunculæ, satis opportunæ, præparatae. Hanc itaque prædictus Herioldus conspiciens elegit ipse in eadem naui cum illis manere, ut ipse unâ, & illi alterâ potirentur mansiunculæ: sicque inter eos familiaritas cœpit & benivolentia crescere: Sui quoque ex hinc seruitium eis diligenter impendebant. Inde egressi per Dorstratum, & vicinia Fresonum transiunt, ad confinia peruererunt Danorum. Et quia interdum pacifice in Regno suo Herioldus

Hadeboldus
Antistes Co-
loniae.

dus Rex consistere non poterat, dedit ei me-
moratus Augustus ultra Albiam beneficium;
vt si quando ei necessarium esset, ibi subsistere
posset. Præfati itaque Serui Dei cum eo po-
siti, & aliquando inter paganos constituti,
cœperunt Verbo Dei insistere & quoscunque
poterant ad viam veritatis monere. Multi
autem exemplo & doctrinâ eorum ad fidem
conuertebantur, & crescebat cotidie qui
salvi fierent in Domino. Ipsi quoque diuino
inspirati amore ad promulgandâ deuotionis
suæ religionem, cœperunt pueros quærere,
quos emerent, & ad Dei seruitium educarent.
Præfatus itaque Herioldus ex suis aliquos
sub eorum cura erudiendos posuit: sicque
factum est, vt scholam ibi puerorum paruo *Schola.*
tempore statuerent, 12. aut eo amplius puer-
rum. Alios quoque hinc inde sibi asciuerunt
seruitores & adiutores; cœpitque eorum fa-
ma & religio in Dei nomine fructuosiùs cre-
scere. Cùm itaque in hoc sancto proposito,
biennio aut eo amplius morarentur, contigit
iam dictum Fratrem Audbertum infirmitatis
grauari molestiâ. Qua de causa inde ad no-
uam Corbeiam deductus, languore diutino
ingrauescente, felici vt credimus transitu,
in tempore Paschæ, sicut & ipsi antea à
Domino reuelatum fuerat, di-
em inibi clausit extre-
mum.

*Emuntus
pueri edu-
candi.*

CAP.